

تاریخ عثمانی انجمنی

۱ اگست
۱۳۳۳

سکزیجی
نومرو ۱۵

مجموعہ سی

روس منافعہ کورہ :

بالطہ جی محمد پاشانک پروت سفری

(۱۱۲۳ ھ - ۱۲۱۱ م)

اسباب سفر

« بولتاوا » محاربہ مدہشہ سندن سوکرہ ہزیمت کلیہ دوچار اولان
اسوج قرالی اون ایکنجی شارل - کندی قوماندانلرندن « مازہ پا »
و بر قاج ذاندن عبارت مقرینی ایله برلکده - ممالک عثمانیہ فرار
و التجا ایتمشیدی . ذات حضرت پادشاهیٹک فرمان مخصوصیلہ
مشارالہ قرال « بندر » قلعہ سی قرینده کائن « وارنجی - Varnitzi »
نام کویدہ اقامت ایئدی . قرالک ہر درلو لوازم و مصارفی طرف پادشاهیدن
احسان و تخصیص بیورلدینی کی اقامتکاه قرالیدہ خدمت ایٹک اوزرہ
معبتہ نصب و تعیین بیوریلن بشیوزی متجاوز یکیچری دخی دبدبہ
قرالی بی اتمام ایدہ رک مقتضیات فرمان ہمایون وجہلہ نزد قرالیدہ مأمور
و مستخدم بولنور ایدی .

اون ایکنجی شارل « بولتاوا » [بالطوہ] دہ کی ہزیمتدن سوکرہ
غالب « پترو » نک اسوج مملکتہ قارشو حرکات تجاویزہ اجرا ایتمسندن
خوف ایٹکده بولندینندن بوتجاوزات ملحوظہ نک اوکنی آلق ایچون
جوقدنبرو روسیہ قارشو اتفاقی استرحام ایئدیکی دولت علیہ عثمانیہ
وجہ معروض اوزرہ بالالتجا بوسفر دولت عثمانیہ نک اسوج حکومتی ایله
اتفاق ایتمی دہاز یادہ مصرانہ رجا و التماس ایٹکده و بواسطرحامی فرانہ
حکومتی ایله لہستان قرال مخلوعی « ایستایسلاوہ چنسکی » نک طرفداری
بولان لہلیر طرفندن دخی ترویج قلمقمده ایدی .

اون ایکنجی شارل روسیه قارشو « اسوج » ایله اتقاقی رجا ایلدیکی ذات حضرت پادشاهی به عرض و تقدیم ایلدیکی نامه سنده شو سوزلری یازمشیدی : « اکر روسیه چارینه بزم فلاکتزدن متحصل و روسیه نك منافعه موافق بولان احوال دن استفاده ایچون زمان مساعد و یریلور ایسه ولایات شاهانه کزدن برینه تعرض و هجوم ایده جکدر ؛ نته کیم دساس منفی [لهستان قرالی] ایله اسوج ممالک هجوم ایلمشیدی . «ته» [دون] نهری اوزرینه انشا اینتیردیکی قلعه لر دولت علیه عثمانیه کزه قارشو دشمنانه افکار بسلیدیکنی اثبات ایدن دلالتدندر . احوال و امور بومرکزده ایکن تهلکه کی دفع ایتمک ایچون الک صاغلام و امین برچاره دولت عثمانیه ایله اسوج دولتی آره سنده عقد اتفاق ایلمکدن عبارتدر » اون ایکنجی شارلاک بویولده کی مصرانه تکلیفات مسترحانه سینه قرال مشارالیهک تشویقله قریم و نوغای و قوبان تانارلرینک دولت عثمانیه به مراجعت و التجاری دخی انضمام ایلدی ؛ بوتانارلر « آزاق » جهتدن کله جک تهلکه کی عرض و ارانه ایله دولت عثمانیه نك حمایت و امدادی رجا ایتمکده ایذیلر .

چار پترویه قارشو محاربه آجلمسی ایچون وقوعه کلن تشویقات مبحوئه باب عالیجه حسن صورتله تلقی اولنقدده ایدی و چونکه باب عالی دخی روسیه نك صورت تدریجیهده اکتساب ایتمکده بولندی مکنست و سطوت جهته عطف انظار ایتمکدن حالی دکلدی . الک موثوق خبرلره دخی مؤید اولدینی اوزره - روسیه نك قره دکز ساحلنده کی وضع و موقعه متانت و یرمک ایچون - « پترو » طرفدن فوق العاده بر فعالیت ابراز اولنقدده ایدی . « آزاق » ، « طیفان » ، [طاغان روغ] و « دینه پر » نهری اوزرنده کی « قاضی زاتون » ، [*] قلعه لرینک آرز و قدده میدانه کلش [*] « قاضی زاتون - Ramenni zaton » طاش قلعه معناسه در . نواریخ عثمانیهده « قاضیه نفا » صورتنده محرردر .

بولنسی « قوجه پترو » نك تحکیم موقع یولنده کی مساعینی مثبت احوال دن ایدی . [(۱) نومرولی قروکی به مراجعت] .

شمال و جنوبده دونمالر وجوده کتورلد کدن صوکره قوجه پترو نك صربستان، بندان، افلاق قطعه لری کی دولت علیه تابع ایالتلر سکنه سی وروملرایله اولان مناسباتی دخی باب عالینک مجهولی اولدینی شبه سزدی ؛ بومناسباتده پترو نك آئیده بولتیقه نقطه نظرندن روسیه ایچون برنفوذ قزاقق املنده اولدینی اکلاشیلیوردی . ایمپراطور روسیه نك موقع سیاست خدمت ایچون تعداد ایدیلن ایالات عثمانیه سکانی وروملرایله مناسبات مخصوصده بولنیوردی .


احوال معروضه ایله برابر باب عالی خلی زمان تردد و تائی ایله حرکت ایدوب ۱۷۱۱ [۱۱۲۳ هـ] سنه قدر روسیه ایله مناسبات دیپلوماتیکه و فاکارینی قطع ایتدی ؛ حتی او حسن مناسبات ائساننده روسیه نك نزد دولت عثمانیه ده سفیری بولان « تولستوی » ک غیرت و همیله اون اون ایکنجی شارلک ممالک عثمانیه دن اخراجی مسئله سی دخی قرال مشا الیهک تبعیدی قرارله حل و تسویه ایدلشیدی [سنه ۱۷۰۹ م] .

فقط ۱۷۱۰ سنه میلادی سی کانون تانیسنده اسوج قرال نك نزد دولت علیه ده مأموری قونت « بونیا توفکی » [*] صدراعظم چورلیلی

[*] « بونیا توفکی » لهستان قرالی اوکوستک پدری اولوب ۱۶۷۷ ده توله و ۱۷۶۲ ده ارتحال ایتدی . مومی الیه اون ایکنجی شارلک رفاقتنده مشارالیهک بشون لهستان و روس سفیری تعقیب و « پولتاوا » هزیعتنده ائک رجعتی تهیل ایش و معروضاتیه سلطان احمد خان ئالکدن قوجه پترویه اعلان حرب و عذینی آلمش ایدی . (۱۷۱۱) پروت سفرنده روسیه ایله صلح امضایلدنجه لهستانه عودت ایدرک صره سیله له قرال لری ایکنجی اوکوست ، ایستایلا له چینکی ، اوچنچی اوکوست حابریته اوراده چالشمش ، ائک بویوک مناسبه ارتقا ایتشد . [« وواترک اون ایکنجی شارل تاریخی حفته برله سینبورینک مطالعات » نامیله ۱۷۴۱ ده برآر مهم نصر ایلشد] .

اودن غیغی غصه میاوردی نیا نشینه
آزادی غصه می رومالیسی

۱ قشلاق نوروز



علی پاشا نے روسیہ دن کلیدی رشوت آلدیندن دولت مذکورہ ایلہ بروجه معروض اون ایکنجی شارلک تبعیدی قراریلہ عقد مصالحہ ایلدیکنی و دولت علیہ ایلہ روسیہ آره سنده کی بومعاہدہ نک عقدندن ناشی صدراعظمک متهم ایدوکی سلطان احمد خان ثالث حضرتلرینہ عرض ایلہ بوبابده نزد همایونجه دخی قناعت حصولہ موفق اولدی .

«پونیا توفسکی» نک مدعیانی اثبات ایتکه موفق اولسندن ناشیدرکه صدراعظم چورلیلی علی پاشا نفی ایدلش، اون ایکنجی شارل عمالک دولت عثمانیہ داخلندہ قالمش و او ائشاده طرف پادشاهدن صدر سابق چورلیلی علی پاشا نک یرتہ بالطہجی [تبرداری] محمد پاشا صدر اعظم نصب وتعیین بیورلش ایدی .

۱۷۱۰ سنہ میلادیہ سی تشرین اولندہ روسیہ ایمپراطوری باب عالی دن یکی معاہدہ نک اجرا اولتوب اولتیه جفتی صورت قطعیدہ سؤل ایتدی . شاید معاہدہ نامہ احکامی اجرا اولغز ایسه ایمپراطورک کندی متفق بولان له قرالی « اوکوست » ایلہ برابر دولت علیہ قارشو اعلان حرب ایدہ جکفی بیان واعلام ایددی . لکن ایمپراطورک سالف العرض سؤالی حاوی بیانشامہ سی در سعادتہ ورود ایتزدن مقدم تشرین نائینک یکرمنجی کونی استانبولده روسیہ سفیری « تولستوی » یدی قلهده حبس ایدلدی . یکی صدراعظمک دخی ایلک بہارده سفرہ چیقمسی ایچون تدارکات واستحضارات لازمہدہ بولمنسی حقندہ فرمان همایون صادر اولدی . خصوصات مذکورہ وسیلہ حرب اولان اسباب و خصوصاتک اک اساسی و اک سوکرہ کیری ایدی .

وجہ معروض اوزرہ « پترو » ایچون ناموسم وغیرمطلوب بر محاربہ بہ کیرشمک مجبوریتی حصولہ کلدی و ایمپراطور بتون قوای عسکریہ سی جنوبہ چکملکہ شمالہ کی موفقیئلہ دوام ایدہ کلن روس حرکات عسکریہ سی دوچار انقطاع اولدی .

دورهٔ حرب روسیه ایچون پک مساعد دکلدی : قوجه پتروئک متفقاری موفقیات حربیهٔ سابقه‌نه برنظر حیدله باقارق مشکوک و متردد برطرزده اظهار معامله‌یه باشلادیلر ؛ بونلردن دانمارق حکومتی انکلتزه و فلمنک حکومتلرینک تشویقاتیله اسوج ایله عقد مصالحه‌یه تمایل بولنیوردی. له قرالی «اوکوست» روسیه‌نک معروض قالدینی مشکلاتدن استفاده‌یه شتاب ایله «پترو» نک ضبط و تسخیر ایلیدیکی بعض ولایات و بلادک کندیسه اعاده سنی طلب ایتدی؛ حالبوکه «پترو» ولایات مذکوره‌یی هنوز دها یکی تحت اشغاله آلمش بولنیوردی. برده «اوکوست» روسیه‌یه معاتی کندی اردوسنک روس عسکريله تقویه ایدلسی شرطيله وعد ایلمکده ایدی. «روسیا» ایله «هاتوره» حکومتلری ایسه «پترو» ایله اتفاقدن فارغ اولشلردی. بواجوال سیاسیه‌یه بناءً بیوک پترو شمالده خیلی عسکر برافقه مجبور اولدی. بوندن باشقه روسیه داخلده «کیو» شهری حوالیسندہ کی «ژاپوروغیا» ایالتی [*] اها لیسندن روسیه‌یه مخالف برفرقه «اورلیق - Orlik» نامنده کی بر شخصی کندیورینه رئیس حکومت انتخاب ایتش و ماورای دینیه برده کائن «اوقرانی» قطعہ‌سندہ مکون اهایلی‌بی‌ده کندی طرفه جلب ایلش ایدی.

مع هذا «پترو» ممالک عثمانیه داخلده کندیسه متفقار آرایوب بولغه موفق اولشیدی : روسیه ایله کیزلیجه مذاکرات نتیجه‌سندہ یکی «بندان» بکی «قاتی میر» ۱۷۱۱ سنه میلادیسی نیسانک اون اوچنجی کونی چار ایله عقد ایلیدیکی معاهده‌ده کندیخی چارک تبعه‌سی عد ایدہ‌رک روس عساکری «بندان» قطعہ‌نه کیرر کیرمز حکومت عثمانیه‌یه قارشو قیام و عصیان ایدہ‌جک بندان اهایلیسی ایله برلکده روسلره معاونت ایتکی و بتون اردویه ذخائر و لوازم اعطا ایلکی وعد

[*] «ژاپوروغیا» اراضیسی «بندر» قلعه‌سنگ شرق و شرق شمالیسندہ. و «دینتر» نهرینک شرقنده کی قطعہ‌در.

ایتمش وافلاق بکی « برانقووان » ایسہ آجیقدن آجینہ روسیہ یہ التحاق ایتمہرک حال احتیاط وتبصرده قالمش کبی طورمقلہ برابر « قاتی میر » ایله برلکده روس اردوسنه ذخائر تدارکنه سی ومعاونت ایتمکی تمهد ایتمش وصربلیلرده دها مقدم یعنی ۱۷۱۰ سنه میلادیہ سنده چاره ارسال ایتمک لری نامده دین وحریت ایچون حربہ حاضر اولدقلرینی بیان ایلمش ایدیلر. قره طاغدن دخی عین مآلده خبرلر ورود ایدم یوردی .

محاربه حاضرقلری [سفر برلک]

عثمانلیلر اعلان حربدن مقدم محاربه یہ حاضرلانمغه ابتدار یتمش لردی : ۱۷۱۰ سنه میلادیہ سی صوک بهارنده فرق بیک قدر عسکر طویلامش لر وقیش اثناسنده دخی عسکرک جمع ونحشیدی خصوصه دوام ایتمش لردر. ایلمک بهاره طوغری استانبول جوارنده ایکی یوز الی بیک عسکر جمع اولندی. یواردو مایس اواسطنده طونه یہ متوجهاً حرکت ایدم جک ایدی . عثمانلیلر طرفندن طونه جوارنده یک چوق کویلمده بلغار واولاح وارداتندن ارزاق وذخیره انبارلری دخی تأسیس اولندی . عین زمانده آریجیه جمع ایدیلن یتمش بیک عثمانلی عسکرینک دکر طریقله سوق ایدیلهرک « آزاق » قلمه سنه قارشو اجرای حرکت ایتمی ده تصورات ومقررات عثمانی دن بولنه یوردی .

روس طرفنده محاربه ایچون وقوعه کلن حاضرقلر :

« لیوونیا - Livonia » ایالنده حکمفرما « وبا » دن مقدارلری آزالمش بولنان آلایلر قوه موجوده لرینی قرعه جدیده افرادینک جمع واعطاسیله ا کمال ایلمک وعلکتک یکدیگرندن غایت اوزاق بولنان بلاد مختلفه سندن « وولین - Volin » طرفه عسکر سوق وجع ایدرک اردوبی « وولین » ده

طوبلا مق خصوصاً ستندن عبارت ایدی. عثمانلیله قارشو اجرای مخاصمات ایچون - منحصرأ عسا کر منظمه دن تشکیل وجع ایدیلن - الی بیک کشیک براردو تعیین ایدلش ایدی. اس الحركات اوله جق محالرده کی ترتیبات واستحضاراته کلنجه بوجهتله عائد تدارکات دخی یوقاروده بیان اولندی اوزره بغداد و افلاق بکترینه، مأمورلرینه تودیع ایدلش و بوبابده کندولرینه بالتام اعتماد اولنه بیله جکی بیان و تأمین قلمشیدی .


حرب صحنه لری

[(۲) نومرولی قروکیه مراجعت]

۱۷۱۱ سفرنده حرکات حربیه نك « صحنه اساسیه ، سی [*] دولت عثمانیه تابع و « بغداد بکلکی ، عنوانی حائر اولان و و یوده « قاتی میره نك [كوچك قاتی میرا و غلنك] زیر اداره سنده بولسان « بغداد « ایالت ممتازه سی ایدی .

« بغداد » قطعه نك سطحی - آز ارتفاعی تیه لری و چایلرله نهاردن متشکل كوچوك كوچوك کیرتی و کورفز لری حاوی - براو وادن عبارتدر: انهارك اکثری كوچوك و حرکاته جدی برسد و مانع تشکیل ایده جك قدر اهمیتی غیر حائر در . چایلرک کافسی آز چوق درین دره لردن جریان ایدوب ساحل لری اولدجه دیک و بالجله صولرک استقامت جریانی شمال غربیدن جنوب شرق طرفه متوجهدر . حرکات عسکریه بی طور دیرته بیله جك نهاردن اولق اوزره (اولا) « دینستر ، نه ریخی [طورله صویخی] ذکر ایتک اقتضایدر . بونهر « خوتین ، قلمه سندن « بندر ، قلمه سنه طوغری

[*] « ایکنجی درجه ده کی حرب صحنه لری : روس و لهستان او قرائیسی دینلان قطعه ایله « ژاپوروغیا » [یعنی قبو اشیکینک اوتیسی « نامیله معروف قزاق اراضیسی و قریم خانلغنک « قوبان « نه ریینه قدر امتداد ایدن سنجاقلریدر .



۱۰۰ ۷۰ ۵۰ ۳۰ ۱۰ ۰ (۱) ده است = ۱۰۶۷ کیلومتر

۶ کی کسر لده سورنده کی رقم آیک فاجنجی کونی اولدینی و مخرج ده کی رقم دخی سنه نك فاجنجی آبی ایدو کی کوسر .
شو حاله ۶ کسری حزرانک ابکنجی کونی و ۱۲-۲۰ حزرانک اون ابکیندن یکر میسنه قدر دیکندر.

متمد و جاری اولوب « بغداد » و « لہستان » و قبائل ایله مسکون بریالت اولان « اوقرانیہ » و قزاق مملکتی بولسان « زاپوروگیا » قطعہ لرینک حدودینی تشکیل ایدہ یوردی . سالف العرض انہاردن (ایکنجیسی) « پروت » نہریدر . بونہر « فالچی - Faltchi » نامندہ کی یکید موقعندن اعتباراً سازلوق و بطاقلق برلردن جریان ایلدیکندن تقریبہ زیادہ سیلہ غیر مساعددر . حرکات عسکریہ بہ مانع اولہ بیله جک حائز اهمیت انہاردن (اوچنجیسی) دہ « سرت » نہریدر .

« بغداد » قطعہ سنک سرحدات جنوبیہ سی اتصالندہ بولنوب طونہ بہ قدر امتداد ایلان و کذلک حکومت عثمانیہ بہ تابع بولسان « افلان بکلکی » نامندہ کی افلان ایالت ممتازہ سنی دخی ذکر ایدرسک حربک صحنہ اساسیہ سی حقندہ بر فکر حاصل ایدلش اولور .

ذکر اولنان و « ملکتن بکلکری » دینلان ایکی بکلکک ایکسیدہ قرہ دکزدن - بنہ تحت حکومت عثمانیہ دہ بولسان - « دو بریجہ » و « بوجاق » [بساریا] قطعہ لریلہ آیرلمقدہ ایدی . « طونہ نہری » عثمانیلر ایچون غایت اہمیتی برخط مدافعہ تشکیل ایدہ یوردی .

سالف العرض بکلککک ایکسیدہ سیرک و بربرندن اوزاق اولمغلہ برابر غلبہ لکلی برطاقم مرکز مساکین تشکیل ایدن مواقعدہ [قراوقصاندہ] متمکن و مقدار عمومی قلیل اہالی ایله مسکون ایدی . اراضی عمومیتلہ منبت اولدیفندن مذکور ایکی مملکتندہ ارزاق تدارک و جعی بک قولای بر کیفیت ایدی ؛ فقط ۱۷۱۱ سنہ میلادیہ سندہ بغدادندہ وافلاقک قسم شہالیندہ چکرکہ پیدا اولہرق تکمیل مزروعات و چارلری محو ایتش و بوکا بناء بورالردہ حتی احتیاجات محلہ بہ بیلہ ارزاقک عدم کفایہ سی حس اولمقدہ بولنش ایدی . شو قدرکہ افلاقک جہت جنوبیہ سندہ کلیتی مقدارندہ ارزاق و ذخائر بولوق ممکن ایدی .

مبحوث مملكتلرده يوللر آز اولوب يا غمورلر ائشانده مرور و عبور
كسب مشكلات ايدردى .

صحفه حربك اك مهم نقطهسى « بندر » قلعهسى اوله بيلوردى .
بو عثمانلى قلعهسى روسلر طرفدن اشغال اولدنيى حالده روس اردوسى
ايچون براس الحركات اتخاذايدلكه صالح ايدى . افلاق و بغداد بگلگيرينك
مرکز حكومتى و باشليجه بلده لرى بولنان « بكرش » و « ياش » شهرلى
ايكنجى درجه اهميتى حائر ايديلر .

طرفين محاربينك حرب پلانلىرى

محاربه نك صورت جريانندن اكلاشيله جنى اوزده « پترونيك حرب
پلانى » نك مواد آتيدن عبارت اولدنيى تعين و تبين ايتمشدر :
بندان ايله لهستان سرحداتنده اللى بيك عسكر جمع و تحشيد اولندقدن
صوكره « ياش » طريقيله طونه به طوغرى حرركات تعرضيه اجرا ايلك ؛
طونه نهرينه عثمانلىلردن مقدم تقرب و مواصلا ايدوب روس اردوسى
ايچون اس الحركات اتخاذا ايديلان مذكور ايكي بگلگك [مملكتينك]
عثمانلىلر طرفدن استيلاسه مانع اولق .
بو حرركات ائشانده سكنه محليه نك روس اردوسنه ياردىمى روسلرجه
مأمول ايدلاكدن باشقه حكومت عثمانيه تبعه سندن بولنان خرسيتيانلرك
عصيانته و « بوجاق » ناميله معروف قطعه ده كى تاتارلرك معاونتته انتظار
اولتمقده ايدى .

عين زمانده « دينيه پر » نهري [اوزى صوبى] جوارنده و جهت
شماليه ايله نجر بالطبق سواحله تدافعى حركتله اكتفا ايدلك تقرر
ايتمش و يالكز - روسلر عليهنده حركت ايدن - قريم تاتارلرينه قارشو

« تن » نام دیگر لہ « دون » نہرندن بدأ ایله « قوبان » نہرینہ قدر امتداد
ایدن اراضیدہ تجاوزی حرکتک اجراسی اختیار ایملش ایدی .
منوال مشروح اوزرہ ایمپراطور « پترو » شمال محاربہ سندہ میدانہ
قوبدینی عمومی پلانہ اتباعاً بوسفرکی محاربہ دہ دخی اس الحركات اولہ رق
روسہ خارجہ دولتان مملکتلری اختیار واتخاذ ایلمشدر . بندان وافلان
بکلکرنندن معاونت بکنندیکی ایچون مذکور قطعہ لر روسلر ایچون
اس الحركات اتخاذ اولمشیدی .

روسہ حکومتی عثمانیلرہ قارشو سبب حرب اولق اوزرہ خرسینانلرک
تابعت عثمانیہ دن قورتارلسی کیفیتنی بیان واعلان ایلمشدر . بوسبب
دلی پترو طرفندن میدانہ قولش اسبابدن ایدی .

« عثمانیلرک حرب پلانی » : استابولده قوای عسکریہ نک جمع
وتحصیلہ قوای مذکورہ نک « بندر » قلعہ نہ سوقی وقلعہ مذکورہ دہ
عثمانی عسکرینک ورود ایدہ جک قریم تاتارلریلہ [قریم خان عاکریلہ]
برلشدکن صوکرہ اقتضای حالہ کورہ حرکت ایلمسی ایدی .

عساکرک سوق وتجمعه دائر اوامر

[(۲) نومرولی فروکی بہ مراجعت]

صلحک منقطع اولدیغنه دائر ایلک خبرک ورودی اوزرینہ ایمپراطور
طرفندن برنس « غولیچین - Golitchin » « اون دراغون آلابیلہ
« قراقووی » بلده سندن دینتر نہرینہ [طورلہ سوینہ] طوغری بندان
سرحدانہ منوجہاً حرکتلہ « یودولبا » قطعہ سی تاتارلرک مهاجرات
و « اورلیق - Orlik » قزاقلرینک تعرضاتندن محافظہ ایتمسی امر
اولمشدر . برنس « غولیچین » اردونک قوای متباقہ سی سوق وتحصیل

ایتمك اوزره اجرا اوله جق حرکاتك تحت تأمینہ آلمنی خصوصندہ دخی برامر مخصوص اخذ ایلشیدی .

« ریغا ، شہری جوارندہ بولنان مارشال ، شرہ متیف -
Cheremetief » [*] معیتدہ کی یکرمی ابکی آلایلہ « دینستر »
طرفہ متوجہاً لہستان طریقہ حرکت ایتمك ایچون برامر
ایمپراطوری اخذ وتلقی ایلدی . « برہ او براژنسکی - Preobrajensky
و « سمیہ نوفسکی - Semienofsky » آلایلرینك دخی پترسبورغدن
چیقبوب موسقوا ، و « کھو » شہرلری طریقہ مارشال « شرہ متیف » ک
قوماندہ سندہ حرکت ایدن آلایلر ایلہ برلشدیرلرلری امروتنیہ اولندی .
« اوقرانیہ » نك تاتارلر استیلاندن محافظہ سی ایچون برنس
« رومودانوفسکی - Romodanofski » نك تحت قوماندہ سندہ اولان
اصول عتیقہ اوزره تنسیق ایدلمش زادکان آلایلرینك « پونیولا - Pontivia
نام موقعہ آرام ایتملری حقندہ عین زماندہ برامر مخصوص صادر اولدی .
« کھو » والیسی بولنان برنس « د . د . غولیچین - D. Gulitchin » نہ
« بوتورلین » ک قوماندہ سنہ ویریلن سکرز آلائی و « اسقور و پادسکی » نك
قوماندہ سندہ کی قزاقلر واسطہ سیلہ « قامنی زاتون - Kamenni zaton »
قلعہ سی [*] تحت اشغالہ آلمسی ایمپراطوری طرفدن امروتنیہ اولندی .
« تن » [دون] نہرینك بحر ای سفلا سندہ کی حوالینك محافظہ سیلہ
« قونان » طرفلرندہ حرکات اجراسی ایچون قزان ، استراخان بلدہ لرندن
چیقاریلان عا کر ایلہ « یاییق - Yaiik » قزاق عا کرینی وروس

[*] تواریخ عثمانیہ دہ « شرمٹ اوغلی میخائیل » ویا « شرمٹ اوغلنک اوغلی
جنرال میخائیل ولد پتروس » نامیلہ توسم ایدیلن مارشال « پتروویچ میشل
شدرہ متوف » بحث ایتدیکنز سفردہ « پترو » دن سوکرہ باش قوماندان وکیلی
صفیلہ روس اردوسنہ قوماندہ ایتمشدہر .

[**] تواریخ عثمانیہ دہ « قامہ نسفا » قلعہ سی صورتندہ محرردہر .

مجلسی بزرگن قالموقلر ایله یکریمی بیک کشی به بالغ « آبیق خان » عسکرینی معیتته آله رق ایجابات سفریه بی اجرا ایتمی ضمنتده قزان والیسی جنرال آمیرال قونت « آراقسین - Apraksin » آیربجه اوامر مخصوصه تبلیغ اولمش ایدی . آمیرالک معیتده کی قوای مجموعه یکریمی سکزیبیک بشیوز کشی به بالغ ایدی . آمیرال « آزاق » طرفه متوجهاً حرکت ایله ایجابات احواله کوره ایفای وظیفه ایدم جکدی . بحر الطبق سواحلنک محافظه سی وظیفه سی ایسه پترسبورغده قالان عساکرک قوماندانی نصب ایدیلن برنس « منچیفوف » تودیع اولندی .

مارشال « شره متیف » [شرت اوغلی] ریغا پیشکاهندن عسکریه حرکت ایتدکن صوکره مایسک اون بشنجی کوندن و شاید تأخر عارض اولور ایسه ماه مذکورک یکریمینده « دنیتر » نهرینه تقرب ومواصلت ایتمکله مکلف ایدی . « چار » ایسه اول « موسقوا » به کلوب حکومتنک اداره داخلیه سی سناتو [اعیان] مجلسنه تودیع ایلدکن صوکره ۱۷۱۱ سنه میلادی سی شاطنک یکریمی بشنجی کونی دولت عثمانیه قارشو اعلان حرب ایلش و او کونی سواری آلایرینک کندی طوبیحیلرله معاً « موسقوا » دن حرکت ایتملی حقنده برامر ایمپراطوری صادر اولمش ایدی . حرکتی تسریع مقصدیله « موسقوا » ده کی ایکی پیاده الاینک افرادی آت اوزرنده کیتکده ایدیلر . (۹۷) طوب ایله (۱۱) عدد هاون وایکی قطعه دیگر نوع طوپدن متشکل و « ریغا » قرینده بولنان بطریقه لر ایله بوبطریه لرده مستخدم افراد پیاده عسکرندن آیری اوله رق حرکت ایتمش و طوبیحی ایله ایله پیاده عساکری « اوستروغ » بلده سنده برلشش ایدی .

« موسقوا » دن سواری عسکرینی سوق ایدن چار له قرالی « اوکوست » ایله اجرای مذاکره ایتمک اوزره « غالیچیا » ده کائن « یاروسلاو - Yaroslav » بلده سنه عزیمت ایلدی .

روسیه عساکری طرفندن سالف المرض حرکات اجرا اولمقده ایکن اوتہ طرفده قریم تاتارلری روس مملکتلرینه تجاوز و هجوم ایله اشتغال ایتمکده ایدیله: دها قیش انساننده تاتارلر دینه بر نهیرنك [اوزی صوینك] صول ساحلنده بولنوب «ایزوم» بلده نه قدر امتداد ایدن قطعه ده کی قراوقصائی تخریب اییدیله. قریم خانك مخدومی «دولت کرای» لک قوماندہ سی آلتندہ بولنان اوتوز بیک کیشک دیگر تاتار عساکری لهستان قرال مخلوئی «ایستایلاوله چینسکی» نک قوماندہ سی آلتندہ اولان اون بیک لهلی و «اورلیق» - Orlik «لک» تحت قوماندہ سنده کی قزاقلرله برلش رک مذکور نہرک صاغ ساحلی تعقیباً «بہلی چرقوف» - Bieli-tcherkof «قلمہ سہ قدر تجاوز ایتمش و روسلرله حربہ کیریشہ رک بوقلمہ بی اشغالہ قیام ایلش ایدیله؛ فقط تاتارلر ایکی بیک تلفات ویردکن سوکرہ مذکور «بہلی چرقوف» قلمہ سی پیشکاھندن چکلشلردر. تاتار عسکرندن آریلان یدی بیک کئی ایله تاتار ولہلی و قزاق افراد مختاطہ سندن متشکل و مرکب بولنان برمفرزه دخی لهلی قونت «پوتوتسکی» - Pototsky «لک» قوماندہ سنده اولدینی حالده «قامنی زانون» قلمہ سی طرفه حرکت ایتمکده بولنان پرنس «د. د. غولبچین» «تصادف ایتملریله بر محاربہ وقوع بولش و روسلرک غیرتیلہ بومحاربہ دن سوکرہ مذکور مفرزه ایله بتون تاتار ولہلیدن عبارت بوحوالیدہ کی دشمن اردوسی «اوجاقوف» [اوزی] قلمہ سہ خچکلش ایدی.

مارشال «شرمتیف» لک قوماندہ سی آلتندہ بولنان روس عساکرینك قسم کلیسی مایسک برنجی کونی «دینستر» نہری [طورله صوین] یانہ تقرب ایلش و مایسک یکر می ایکنجی کونی «تروستیجه» - Trostiantza موقعه کلش ایدی.

روسلرک بغداد قطعہ سنہ دخولی

[(۲) و (۳) نومرولی قروکیلرہ مراجعت]

آلٹان خبرلرہ کوردہ عثمانیلر ہنوز طونہ دن پک اوزاق بر محلہ بولندقلری کچی یرلی خرسٹیانلر دخی روسلرک بکلکلرہ [ملکیتہ] چابوق دخولی ایچون استرحاملر یاغدیرمقدہ اولدقلرندن ایمراطور طرفدن مارشال « شرہ تیف » « مایک اون آلتچی کوندن مقدم - اون اوچ دراغون آلایلہ آتله بندیریلن ایکی پیادہ آلایندن مرکب کوچک برمفرزہ ایله - بغداد قطعہ سنہ دخول ایڈہ رک اہالی خرسٹیانہ بہ برشوق مضوی اعطا ایلدی حقتہ بر امر ویرلشدر . مارشال « شرہ تیف » آلدینی امر موجبہ بغدادہ داخل اولدقدن صوکرہ امکان داخلندہ بر سرعت ایله ایساقچی [احتجہ] بہ طوغری حرکت ایتمکہ واورادہ عثمانیلر طرفدن انشا ایدلکدہ بولنان کوپری بی ضبط ویا تخریب ایلکک و « صوروکی » نام موقعدہ « دینتر » نہرنی کچکجک اولا روس عاکرینک قسم کلیسی ورود ایدنجیہ قدر طونہ دن وقوع بولہ جی مرور حرکتہ قارشو مقابلہ و عمانتدہ بولمنہ مأمور و مجبور ایدی . بوندن ماعدہ بغداد بکنک معاونقیلہ قوای اسایہ افرادینک اعاشہ سی تأمیناً ارزاق دیوسی تأسیس وانشای ایچون « شرہ تیف » « آلتی بیک روبلہ [۷۰۰ عثمانی آلتون] اعطا اولنمشیدی .

مایک یکرمی دردنجی کونی « شرہ تیف » اون بش بیک عسکرلہ « دینتر » « طوغری بوریدی . عین کوندہ ایکی دراغون آلایندن عبارت « ویساح - Vesbah » ک پیشدار مفرزہ سی « راشقوو » قربندہ « دینتر » نہری اوزربنہ بر کوپری انشا ایتدی ؛ « ویساح » نہرک صاغ ساحلہ مرور ایتمکہ غیرت ایتمش ایسہدہ « بندر » قلہ سندن کوندریلن تانارلر

ایله عثمانلی عسکری مذکور پیشدار مفرزه‌نک مرورینه شدتله ممانعت
ایتدکلرندن و یساح ، مرور مقصدندن صرف نظر ایدرک «شره‌متیف» ک
ورودینی بکلمکه مجبور اولدی .
مایک یکریمی یدنجی کونی مارشال کندی عسکرله «دینت»
اوزرنده «راشقو» ، تقرب ایتدی . بوراده مارشاله بغدادن بکی
«قاتی میر» دن بر مکتوب کلدی ؛ بومکتوبده «قاتی میر» : صدراعظم
وسردار اکرم بالطه‌جی محمد پاشانک ادرنه‌دن اون کون مقدم خروج
وعزیمت ایدرک «ایساقچی» یه طوغری اجرای حرکت ایتدکده بولندیغنی
و «یاش» شهرینک مدافعه و محافظه‌سی ایچون بر مقدار روس عسکرینک
کوندولمسی رجا ایلدیکنی یازمقده ایدی . بناءً علیه مایک یکریمی
طقوزنجی کونی مارشال «شره‌متیف» یاش شهرینه اوچ دراغون الایی
سوق واعزام ایتیش و کندیسیده اون دراغون آلایلله ایکی پیاده الایی
بالاستصحاب «ایساقچی» یه متوجهاً حرکت ایلشدر . اوچ کون بوروش
اجراسندن سوکرمه مارشال طونه‌دن (۲۵۰ الی ۳۰۰) ودرست
[۲۶۷ : ۳۲۰ کیلومتره] قدر بر بعدده بولنمقده اولدینی حالده
عثمانیلرک نهر مذکور دن یدی قوناقلق بر مسافهده بولندقلرینی
استخبار ایلشیدی . بوخبردن تظاهر ایتدیکنه کوره عثمانیلرک نهری
مرورلرینه مانع اوله‌بیلیمک ایچون انلردن اول موقع مروره یتشمک
غایت مشکل ایدی . فضله اوله‌رق «شره‌متیف» دشمن طرفندن احاطه
اولنمقده خوف ایتدکده ایدی . سفریر عسکر و حیواناته ارزاق
ولوازمک تدارکی خصوصه مساعد بولنمیان بر ملکته دشمن طرفندن
چویرلمک تهلمکسی بوقوماندانک ذهنی زیاده‌سیله اشغال ایدرک جساتی
کسر ایتدکده ایدی و چونکه «شره‌متیف» ک کندی لوازم و ارزاق
انجیق بر قاج کون کفایت ایدمبیلله جکدی . بوسیله مبنی مارشال دها
زیاده جنوبه حرکتدن صرف نظر ایدرک حزیرانک اوچنجی کونی

۔ افلاق بکنک انشاسیلہ ایجروسنہ لوازم ادخارنی وعد ایلدیکی ۔
 «سرم» نہری ساحلندہ کی ارزاق انبارلرینہ یقین بولنق ایچون «یاش»
 بلده سی جہتہ تبدیل حرکت ایتدی ۔ «شرہ متیف» بروت نہری ساحلہ
 قدر کلدیکی ائنادہ توقفہ مجبوراولدی وہان چارہ ۔ قسم کلی عاکرینک
 ورودینہ منتظر اولہرق ۔ «بروت» ساحلندہ طورمقدہ بولندیغنی
 و عثمانلیرک طونہ نہرینی مرورلرینہ مانع اولمقہ مقتدر اولہمدیغنی وارزا۔
 قنک کفایت ایدہ جک مقدارده بولندیغنی مین بر راپور کوندردی ۔

حزیرانک اون ایکنجی کونی ۔ قسم کلی عاکری ایلہ برابر
 حرکات سفریہ اجرا ایتکدہ بولنان ۔ چار پترو ایلہ چاریچہ قترینہ
 «دینتر» نہری اوزرندہ «صوروبی» نام موقعہ [۱] بولندقلری
 صرمدہ مارشالک مذکور راپوری چارک الہ ویرلدی ۔ چار راپورده
 بیان اولنان احوال دن طولایی اسف و عدم ممنونیت اظهار ایدہ رک
 «براسلاو» موقعدن «دینتر» قدر بک بطی حرکت ایتدیکی
 ایچون [۲] «شرہ متیف» تکیدر آمیز بر مکتوب یازمش و بومکتوبده
 کندوسنہ ۔ بوشی بوشنہ اون کونلک برزمان ضایع و ہبا ایتامش اولسہ
 ایدیگز طونہ نہرینہ عثمانلیردن مقدم ورود ایدہ بیلوردیگز بولندہ ۔
 برلسان شدید قوللانمشدر ۔

مکتوب مذکورده چار مارشالہ خطاباً دیپورکہ :

«اوقاز» [۳] موجنبجہ حرکت ایتش اولیدیگز عثمانلیردن اول

[۱] «صوروبی» مقنغان قوشی معائنہدر ۔

[۲] «براسلاو» دن «راشقو» قدر اولان امتداد درت قوناقلق
 مسافہدر ۔ مارشال مایسک اون آلتنجی کونی «براسلاو» دن حرکت ایتش
 اولدیفندن ماہ مذکورک اون طقوزندہ «راشقو» دہ بولنمی ویکرنجی کونی دہ
 دینتر نہرینی کجسی ایجاب ایدردی ؛ حالبوکہ نہر مذکور دن مایسک اوتوزندہ
 مرور حرکتی اجرا اولنمشدر ۔

[۳] چارک فرمانندن عبارت امرنامہ لہ روسلرچہ «اوقاز» دینور ۔

طونه به کلوردیکنز و چونکه دینتردن طونه به قدر اولان مسافه اون کونلك و حرکت ائسانده بر سبب تأخر وقوعه کلورسه نهایت اون اوچ کونلك بر بولدر. دها ناصل اوقازلر ویرهیم بيلمکه که .. اويله ظن ایدم. یورمه که احوال و خصوصاته متوافق موضح بر اوقاز ویردم !
اجرا سندن مشول اوله بیلورسکنز !

ایمپراطور مارشال « شرمه تیغه » و ویردیکی یکی بر امر نامه ده ارزاق و مهمانك تدارکی ایچون کچدیکی یرلرده کی سکنه ایله تجارتدن مبیاعته بولنسی و شاید سکنه محلیه تقد مقابلنده ارزاق ویرمه که راضی اولدقلری حالده انلردن جبراً ذخائر آلمسی حقنده مساعدته مخصوصه اعطا ایلدی . چارک بویکی امر نامه سنده شویله دینه یوردی :

{ جنرال « آلارت - Alarte » ک عا کرنده بش کوندنبرونه اکک وار نه ده ات ؟ سزک یانکزه و رودیز ائسانده عسکره یه جک بولنوب بولنیه جنی بیلدیرمه که غیرت ایدیکنز ؟ و چونکه ائشای حرکتده اداره مزه کفایت ایدم جک مقداردن فضله ارزاقیز یوقدر ؛ اکک اولدینی کی ذبح ایدیله جک حیوانات ده غیر موجوددر ... }

« شرمه تیغه » بو سواللره جواب ویرمه که خصوصنده خیلی مشکلات چکدی . بر ایکی کون سوگره روس اردوسنک [قسم کلینک] و رودینه یقین بر زمانده « قاتی میر » ک اون بیک رأس ذبحه صالح حیوانات ویره . جکنی و ذخائرک اوتوز بیک عسکر ایچون بر آیی قدر کفایت ایدم جکنی - مباحوث قاتی میرک وعدینه استناداً - ایمپراطوره عرض و اشعار ایتدی . بوجوابی آلمش اولان چار « شرمه تیغه » ک ایلرویه حرکتی تهلکلی عد ایلدیکندن « یاش » شهرنده توقفله اوراده قسم کلی عسا - کربنک و رودینی بکله منی مومی الیه « شرمه تیغه » امر و اشعار ایلدی .

حزیرانک اون سکنزنجی کونی « صوروکی » موقعه اک کیروده قالان آلا یلرده ورود ایتدی . بتون پیاده عسکری اوچ فرقه به تقسیم اولندی .

بو فرقہ لر « ویدہ - Veido » ، « رہین - Repnin » ، « آلارت » نام جنرالر معیتہ ویرلدی . باش قوماندان بولنان ایمپراطورک بالذات تحت قوماندہ سندہ ایسہ « برہ او براژہ نسکی » ، « سنوفسکی » ، « اینکرمانلانڈ » ، « استراخان » ، آلایری ایلہ بر خبرہ جی [ہاونجی] بلوکی بولنہ یوردی .

حزیرانک یکرمیسندہ سواری ایلہ برابر جنرال « آلارت » ، ہان « صوروچی » موقعدن حرکت ایدوب آنی متعاقب حزیرانک یکرمی برنجی کونی جنرال « ویدہ » و جنرال « رہین » فرقہ لری خروج وعزیمت ایتش ایدی . درت دراغون آلاینہ قوماندہ ایدن جنرال « غانسکن » ، دخی « وولین » ایالتندن ارزاق ولوازم طوپلایہ رق اردویہ سوق ایتمک وظیفہ سبلہ مکلف بولنق اوزرہ حدوددہ براغلمش بولنہ یور ایدی .

حرارت شمسدن ، صویک کفایتسز لکندن ناشی عسکر زحمت چکیوردی .

حزیرانک یکرمی ہنجی کونی روس عساکری « پروت » نہریخی بالمرور ایلرویہ حرکتہ دوام ایتدی . اردونک « یاش » بلدہ سنہ ورددی .

اٹساندہ بغدادیلر موعود بولنان ارزاقی ہنوز تسلیم ایتماش ایدیلر . حیواناتہ غذا بولنماق حبیلہ شہرک اطرافندہ کی چایرلر اردونک حیواناتی طرفندن ینوب بتیرلش ایدی ؛ بوسبیلہ سواری عساکرینک اوتلرک بولندینی کوریلن « سرت » نہری جہتہ سوق ایدلسی ایجاب ایتش وہان اقتضاسی اجرا اولمشدر . عین زماندہ عثمانلی اردونک کمال انتظاملہ حرکت ایتدیکی ایشیدلمسندن می یوقہ باشقہ برسیدن می ہرنہ دن ایسہ افلاق قطعہ سندہ کی اہالینک عثمانیلرہ تسلیم اولدقلری شایعہ سی چیقدی .

مشکلات معروضہ مبنی بو اٹنادہ بر « مجلس عسکری » تشکیل اولندی . مجلسدہ پک چوق ذوات طرفندن عثمانیلرک موفق اولہ جقلری بیان ایدیلہرک ہان دینسٹر نہرینک اوتہ طرفقہ رجعت ایدلمک لابد وچارہ سنز ایدوکی رأی اورتہ یہ قونلدی ؛ فقط چار روسلرہ کندی

آرزوسيله التحاق ايدن بغداد مملكتى تركه قطعياً راضى اولدى .
 عثمانيلر بغداده كيررلر ايسه بوقطه نك سكه سندن اخذ ناز ايدم جكلريني
 دريش ايد يوردى ؛ نهايت چارك فكري موجبجه بغدادنه قالمق ايجون
 قرار و يرلمش ايدى . بونك اوزرينه چار طرفدن « ياش » شهرنده بر
 بيوك ارزاق انبارى احداث و تأسيس ايله بورادن تكميل اردويه
 ما كولات و مهمات و يرلى امر و تنيه اولنمش و بوجسيم انبار و واسطه يله
 ايلروده اجرا ايديله جك حرڪات عسكريه ائناندهده امر اتفاق و اعاشه نك
 استكمال ايدلمسى تقرر ايتمش ايسهده بوقرارك اعطاسنى متعاقب « قاتى مير » دن
 كلن خبرده وزير اعظمك هنوز طونه نهرندن مرور ايتديكى بيلديرلمكده
 اولديغندن و بوندن باشقه بر طرفدن ده چارك : « اكر عسكر « سرت »
 نهرينك مجراى سفلسنه طوغرى حرڪتى تسريع ايدر ايسه « ابرائيل » قرينده
 بولنان كوبرده كى عثمانلى ذخيره انبارلرينك ضبطى ممكن اوله جنى و تسريع حرڪتله
 روس اردوسنك اتفاق و اعاشه سى تأمين ايديله جكى ، حقنده كى رآى و فكرينك
 نظر اعتباره آلمسى طبيعى ايدو كندن « ياش » ده بيوك عسكرى انبارينك
 احداث و ترتيبى قرارينك اجرا سندن صرف نظر اوله رق روس عساكرينك
 « بروت » نهرينك صاغ ساحلى يونجه « فالجى » و « قلاص » قصبه لرينه
 متوجهأ سريعاً اجراى حرڪته قرار و يرلدى . بو حرڪتن اك اول
 استحصالى مطلوب اولان مقصد « فالجى » موقعنه عثمانيلردن مقدم كلك
 و اوراده كى كچيد محلكك ضبطى ايله روس صول جناخه راست كلن و نهرك
 منصبه قدر اوزانان بطاقلقلىرى واسطه تحفظ و تتر اتخاذ ايدم دك طونه يه
 طوغرى حرڪات تعرضيه نك اجرا سنى تأمين ايتلك خصوصلرندن عبارت
 ايدى . بو ترتيب ايله وزير اعظمك خطوط مواصله و مراسله نك تحت
 تهلكه يه آلدنيغنى و عثمانلى ارزاقندن روس عسكرينك دخى استفاده
 ايتمه امكان حاصل اوله جنى ظن اولنمقده ايدى .


روس عساكرينك « ابرائيل » اوزرينه حرڪتى وزير اعظمك

استخبار ایدہ رک اورادہ کی ارزاقی اتلاف و احراق ایتھامی و معاونت بکلیان یرلی خرسیتانلرک دوچار یأس اولاملری ایچون جنرال « رهنه - Rhenné » نك [ه] یدی بیک کشیلک سواری عسا کرندن مرکب و متشکل مفرزمی طونه‌یه طوغری سوق و اعزام ایدلش و بعسا کره تصادف اولان ارزاقی ضبط ایله برابر روس اردوسنک کلکده بولندیفنک « قلاص » « اخباری ده امر و تنیه قلنمش ایدی . « قلاص » ده بیوک برارزاق و مهمات ده بوسنک میدانہ کتورلسی و آتیده کی حرکاتک « قلاص » دن اداره‌سی ده مقررات اخیرہ جملہ‌سندن ایدی .

عثمانیلرک طونه‌نک دها هنوز اوتہ‌سندہ بولندقلرینه دائر اولان خبرک حقیقت حالہ طوغری اولدینی صوگرہ دن تین ایتدی : ایدیلن تحقیقات نتیجه‌سندہ وزیر اعظم بالطہ‌جی محمد پاشانک یوز یکریمی بیک کشی‌یه بالغ عسا کر منتظمه ایله یوز اوتوز بیکه رسیده اولان غیر منتظم عسا کر و کولکیلردن عبارت بر قوۃ عظیمه ایله طونه‌یی حزیرانک اون سکزنجی کونی یعنی روسلرک دینستر اوزرندہ کی « صوروکی » موقعندہ تجمع و تحشد ایتدکری ائسادہ طونه‌یی مرور ایلدیکی تظاہر و تحقق ایتیش ایدی . بر قاچ کون صوگرہ وزیر اعظم یتیش بیک کشیدن عبارت قریمک تاتار عساگری ایله برلشدکدن صوگرہ « فالچی » موقعنه طوغری بر حرکت بطینہ ایله یوریوردی .

حزیرانک اوتوزنجی کونی اولاجنرال « رهنه » کندی قوماندہ‌سندہ کی سواری عسا کرینی « یاش » شہرندن چیقاروب مستقل سواری صورتندہ ایلری حرکت ایتدی . بوندن صوگرہ روس اردوسنک قوای متباقیہ‌سی دخی « یاش » دن خروج ایلدی : اوکده بر قوناق قدر ایلرودہ یدی دراغون آلابی ایله سواری طویجیلرندن عبارت وجنرال « یانوس -

[*] بعض آثارده « روتنه - Roenne » صورتندہ محرردر .



Yannus «ك» [*] تحت قوماندہ سنده بولنان پیشدار عا کری یورو مکدمه ایدی. پیشدار عا کردن سوگره روس اردوسنک - منقسم بولندی فرقلر یکدیگرندن آز بر مسافده بولنق اوزره - قسم کلی عا کری کتمکده ایدی .

هرقدر قریم خانی تانار عا کریمه برابر پروت نهرینک صاغ ساحله کچمش، روسلرک خط رجعت طرفنی اشغال ایتش ایسده روس عا کری بدایت حرکانه هیچ برمانه به تصادف ایتمه رک طی منازل ایلوردی .

تموزک یدنجی کونی اقسام اوستی ساعت آلتی راده لرنده وروس اردوسی قسم کلی عا کرینک «استانیلیشتی - Stanilechti» کوبنه [اردو کاهنه] ویشدار عا کرینک «بورچینی - Borzeni» قریه سنه ورودلری صره لرنده ویشدار قوماندانی جنرال «یانوس - Yanus» صدراعظمک «فالچی» موقعی اشغال ایلدیکنی ویکچریلرک نهری مرور ایتمکده بولندقلرخی استخبار ایلدی وهمان عکریخی طوردیرته رق توقف ایدن «یانوس» کیفیتی درحال مرکزہ اشعار ایتدی . بونک اوزرینه «چار» ویشدار عا کرینک قسم کلی عا کری یانه رجعت ایتلرخی و جنرال «رمنه» نکده ممکن اولدینی قدر زیاده لوازم وارزاق ضبطله عودت ایلسنی امر ایلش ایدی؛ حالبوکه وزیر اعظم طونه بی مرور ایتدیکی زماندنبرو بطائله حرکت ایتمکده و متردد بر حالده بولنقده اولوب دها پروت نهرینی مروره مباشرت ایتماش وحقی مرور ایچون کوپرلری بیله هنوز احضاره موفق اوله مامش ایدی . روس ویشدار عا کرینک رجعتی عثمانیلرک کسب شوق ایتلرینه باعث اولغله عا کر عثمانیه بر کیجده اوچ کوپرینک انشائی اکال ایتش و تموزک سکزنجی کونی

[*] بعضی آثارده «یوناس - Yunas» [یونس] صورتده مرورد .

صاحب‌لبن عثمانی پیاده عساکری پروتک صاغ ساحله مروره باشلامش ایدی . رجعت ایتمکده بولنان جنرال « یانوس » ی تعقیب ایچون صدراعظم طرفدن سواری عساکری چیقارلغله روس دراغون عساکری عثمانیلر طرفدن زیاده سیله تضییق اولمغه باشلادی . بووجهله پیشدار عساکری بشاون مثلی زیاده قوته مالک عثمانی مفرزه‌سی طرفدن احاطه اولندی . چویرلش بولین عساکر مذکور طوب و تفنگ آتشریله مقاومت ایدرک هرآدمده عثمانیلر طرفدن اجرا قلنان تضییقاتدن ناشی توقفه مجبور اولمقده و غایت بطاعتله فقط انتظامی بوزمامغه چالیشر ق رجعت دمان غیرت ایتمکده ایدی .

چارپترو جنرال « یانوس » رجعت امرینه ارسال ایتمش اولدینی حالده بتون کیجه پیشدار عساکرینک حاله زیاده سیله مراق ایدرک وقت کچیر مشیدی . صباح اولدی ؛ زمان کچمکده ایدی ، اوکله وقتی کلدی ؛ لکن « استانیلیشتی » کوبندن هنوز هیچ برکسه عودت ایتمامشیدی . اووقت پیشدار عساکرینک تمامیه احاطه اولملرندن حرکت مجال و قدرتلی قالدیغنی ظن و تخمین ایدن چار عساکر مذکورده عثمانیلردن قورتارمق نیتیه کندی فرقه‌سی بالاستصحاب بالذات حرکت ایتمک قرار ویردی . چارک یاننده برفرقدن ماعدا آبروجه « بومباردیر » نامیه معروف عساکردن بربلوک [خبره‌جی بلوک] بولمقده ایدی . چارک بالذات قوماند ایتدیکی مذکور فرقه غایت سرعتله حرکت ایتدیکی حالده پیشدار عساکرینک یانه چابوق وارده‌یه رق خیلی زمان یوروش اجرا سندن موکمه آنجق اقشام وقتی تحری ایدیلن مذکور عساکره تصادف ایدر بیلش ایدی .

- مابعدی وار -

اصد مختار